

# Bi kurtayî li ser bekelorya/lîsa siwêdî



Her ciwanê li Siwêd ku dibistana bingehî xilas kiriye xwedî mafê xwendinineke sê salî ya bekelorya/lîsa ye. Xwendina bekelorya/lîsa, bingehê baş jibo kar, xwendegeha bilind, pêşxistina şexsî û danûstandineke geş di civatê de dideynê.



## 18 programên netewî/gîştî

Qanûna dibistanê ku 1:ê heyva tîrmehê/temûzê(6) dest pê kir bi yek çavî li bekelorya/lîsa ya serbixwe/şexsî û ya gîştî dimeyîzêne.

18 programên netewî/gîştî di bekelorya/lîsa de hene, 12 ji wan yê meslek in û 6 ji wan yê amadekirina/hazirkariya xwendegeha bilind in. Hemû programên ku hene sê salî ne.

Piştî xwendina programeke meslek, gerek xwendevan ji meslekekî/karekî re amade bin, kalîta xwendinê bilind be û hostayîyeke baş bide. Gerek mirov karibe piştî bekelorya/lîsayê raste-rast dest bi meslekekî/karekî bike. Hemû xwendevanên programa meslek dikarin di xwendina xwe a bekelorya/lîsa de bingehekê bo xwendegeha bilind jî deynin. Jibo xwendevan karibe vê bingehê jibo xwendegeha bilind deyne, dive dersên ku vê bingehê didin hilbijêrin.

Gerek xwendevan piştî xwendina programeke ku wan ji xwendegeha bilind re hazir dike, hazir bin û karibin dest pê bikin.

Ji xeyn ji wa 18 programên gîştî, pênc programên agahdarkirinê jî hene. Programên agahdarkirinê jibo destpêkirina yek ji wa 18 programên gîştî ne.

Li hinek dibistana xwendinin hene ku ji programên gîştî cuda ne: varyantên taybet/diyar, xwendinên jibo hilbijartineke netewî û xwendinên sporê yê ku ji aliyê netewî/gîştî de hatine qebûl kirin, NIU.

## Daxwaziya mafdariya bekelorya/lîsa

Qanûnên mafdariyê jibo ku mirov karibe dest bi xwendineke bekelorya/lîsa bike, jibo programa meslek û programên ku hazirkariya xwendegeha bilind bike ji hevdu cuda ne.

Jibo ku mirov karibe dest bi programeke gîştî bike, divê mirov zimanê siwêdî an zimanê siwêdî wek zimanê duwem, inglîzî û matematîk xilas kiribe, çî programa meslek û çî ya haziriya xwendina bilind be.

Jibo destpêkirina programa meslek, ji xeyn ji wa dersan divê mirov notên pênc dersên din jî standibin, yanî tevde heşt ders.



Jibo programa hazirkariya xwendegeha bilind, divê mirov ji xeyn ji wan dersan, di neh dersên din de jî notên maqûl standibin.

Jibo programa aborî-û zanyariya civakî û jibo programa xwendina ziman, felsefe, dîrok û hwt divê çar ji wa dersan cografya, dîrok, zanyariya civakî û zanyariya olî/dîn be. Jibo programa xwezanasî/ilmî û teknoloji jî, divê sisê ji wa neh dersên xilaskirî biolojî, fîsiya û kîmya bin. Jibo programa estetîk, hilbijartina wa her neh dersên din serbest e.

Jibo hinek xwendinên estetîk û sporê, dibe ku dersin taybet bêne xwestin/hebin.

## Kurş/ders û pîlanên beşî

Bekelorya/lîsa siwêdî li ser kursa hatiye avakirin. Ev yek tê wê manê ku xwendevan kurşekê an çend kurşa ji dersên programê dixwênin. Bêhtirên kurşa dor 100 pûanî ne û beramberî çar heftiyên tamrojî/du danî ne. Dersên bekelorya/lîsa û naveroka kursa û daxawziya zaniyariyê di pîlanên dursa de, ku perwerdekirinê bi rê ve dibin de, tene diyarkirin.



## Dereca nota

Dereca nota ji A-F e û A dereca herî bilind e, E ya herî kêr e jibo dersê derbas bike/xilas bike. F xilas/derbas nake. Xwendevan piştî her kurşa ku xilas dike nota/qerna distênê. Daxwaziyên zaniyarî yên netewî/giştî jibo dereca E, C û A hene.

## Strukûra programan

Dersên bekelorya/lîsa yên hevbeş ew in ku her xwendevanê bekelorya/lîsa dixwênê. Ev dersên ha inglîzî, dîrok, spor û sehet, matematîk, xwezaneyî, ol/dîn zanyariya civakî, siwêdî an siwêdiya wek zimanê duwem in. Xwendevan wa dersên bekelorya/lîsa yên hevbeş, di programên cuda de, kêmtir an zêdetir dixwênin.

Ji xeyn ji wa dersên bekelorya/lîsa yên hevbeş, di her programê de çend dersên hevbeş hene ku hemû xwendevan di programeke taybet/xisûsî de dixwênin. Ev ders in ku taybetiya/xisûsiyeta programê diyar dikin.



Ji xeyn ji programa guhdan û lênerînê di hemû programên dî de xwendevan di-  
karin rêçên xwendinê yî cuda hilbijêrin. Ji xeyn ji wê, di her programê de kurşên  
cuda hene ku mirov dikare zaniyariya xwe têde kûrtir bike. Di vê xwendinê de  
îmkanê hilbijartineke şexsî jî hene.

Di hilbijartina şexsî, ya programa meslek de divê dibistan kurşên ku bingehekê jî  
xwendegeha bilind re jî dideynin bide. Di hemû programan de gerek îmkana ku  
xwendevan bi kêmayî kurşeke estetîk, spor û sehetê/tenduristî bixwîne hebe.

Di xwendinê hemû programan de, wezîfêke bekelorya/lîsa heye ku xwendevan  
divê çêkê û xilas ke, jibo ku bê qebûl kirin û şahde/dîploma xwe bistêne. Ew  
wezîfe kurte zaniyariya bekelorya/lîsa ye.



## Xwendina şagirtiyê

Di programa meslek de îmkane hilbijartina xwendina şagirtiyê heye. Ew xwendevanê ku xwendina şagirtiyê dihilbijêrê, pirtirê xwendina xwe li kargehekê an çend kargeha derbas dike. Armanca/hedefa xwendina şagirtiyê û daxwazî/şartên wê weke yê xwendina li dibistanê tê kirin e.

Jibo ku navbera programa bekelorya/lîsa meslek û kargehê xweş bibe, hem programên giştî û hem jî yê herêmî/lokal hene.

## Du şiklên/tîpên dîplomê

Xwendevanekî ku programa bekelorya/lîsa xilas kiribe, dikare dîploma bekelorya/lîsa bistênê.

Jibo ku xwendevan karibe dîploma meslek bistênê divê xwendevan 2500 pûan xwendibe û ji wan 2250 pûan xilas kiribe. Gerek xwendevan dersa siwêdî 1 an siwêdî ya zimanê duwem 1, inglîzî 5 û matematîk 1 xilas kiribê. Şartekî dî jî ew e ku xwendevan divê 400 pûan ji dersên programên hevbeş xilas kiribin û wezîfa bekelorya/lîsa jî xilas kiribê. Xwendevan dikare dîploma meslek bi riya xwendina şagirt û xwendina meslek ku li dibistanê kiriye bistênê.

Jibo dîploma xwendina hazirkariya xwendegeha bilind, divê xwendevan 2500 pûan xwendibe û ji wan 2250 pûan xilas kiribê. Divê xwendevan dersa siwêdî 1, 2 û 3 an siwêdiya zimanê duwem 1, 2 û 3, inglîzî 5 û 6, û matematîk 1 xilas kiribê. Ji xeynê jî wê divê wezîfa bekelorya/lîsa jî xilas kiribê.

Dîploma xwendina hazirkariya xwendegeha bilind, daxwaziyêke bingehîn jibo xwendegeha bilind didê.

Di [www.skolverkt.se](http://www.skolverkt.se) de, di bin Pêşdibistan û dibistan (Förskola & skola) de bêhtir li ser daxwaziyên bingehîn jibo xwendegeha bilind bixwêne. Piştî, Xwendina bekelorya/lîsa (Gymnasieutbildning).

Dîploma xwendina meslek, xilaskirina dersa siwêdî 2 û 3, an siwêdiya zimanê duwem 2 û 3 û inglîzî 6 jî daxwaziya bingehîn ya xwendegeha bilind didê.

Mafê hemû xwendevanên li programa meslek heye ku wa kursên ku daxwaziyên bingehîn jibo xwendegeha bilind didin, bixwênin.

Ji xeyn ji daxwaziyên bingehîn, bêhtirê caran xilaskirina kursên taybet jî, jibo hinek xwendinan tê xwestin.

Xwendevanê ku daxwaziyên şahda/dîploma bekelorya/lîsa xilas ne kiribê, dikarê ji bedêla dîplomê de îsbat/belga xwendinê bistênê.

## Mitehidî

Gerek mitehidî di her beşê bekelorya/lîsa de xwiya bê/hebê. Di hemû programan de mecala ku xwendevan bi kûrayî li ser mitehidiyê bisekinê heye.

## Beşek ji Ewrûpa

Bekelorya/lîsa siwêdî bi sîstêmên kompetensên Ewrûpî ve girêdayî ye. Armanç bi vê yekê ew e ku hevwehatiyên ewrûpî bi rihetî karibin herin û werin û jibo ku perwerdekirineke dûvdirêj hêsantir bibê.

## Xwendina jibo mezina

Xwendina jibo mezina jî divê pîlanên dersên bekelorya/lîsa bikar bînin. Wekî din divê xwendina jibo mezina fleksîbel bê û li gor daxwaziyên wan be.



## Her 18 program

### Programên meslek

- Program zarok-û dema vala
- Programa avakrin û bînayiya
- Programa elektrîk-û enerjîyê
- Programa motor-û veguhastinê
- Programa tîcaret-û îdarî
- Programa destkarî
- Programa hotel-û tûrîsmê
- Programa teknolojiya endustrî/sanayî
- Programa zîraetê/çandiniyê
- Programa xwaringeh-û tiştên xwarinê
- Programa germê, hewaguherîn, sîstema karêza-û mal û milkê neguhêzbar.
- Programa tedawî-û lênerînê

### Programên hazikariya xwendegeha bilind

- Programa aborî/ekonomî
- Programa estetîk
- Programa edebiyatê(ziman,felsefe,dîrok)
- Programa ilim/xwezanasî
- Programa zanyariya civakî
- Programa teknoloji

## Programên agahdarî

Pênc programên agahdarî wê îmkanên nû bidine xwendevanên bê kompetens/mafdar. Bi riya va programan wê xwendevan bibin xwedî kompetens/maf jibo programeke giştî, ji bazara kar re hazir bin an xwendinê berdewam bikin.

### Ew her pênc programên agahdarî ev in

- Programa hazirkariyê
- Programa îndîvîdûel jibo hilbijartinek taybet
- Agahdariya/Hazirkariya meslek
- Alternatîva îndîvîdûell
- Agahdariya/Hazirkariya ziman



**ISBN: 978-91-86529-88-8**  
**Forma Grafikî: AB Typoform**  
**Wêneyê Bergê: Michael McLain**  
**Wêneyên hûndirîn: Michael McLain**

*Skolverket*